



CEFE BiH



JAVNI POZIV

Za učešće u CEFE Programu podrške poduzetništvu

CEFE program podrške poduzetništvu u gradu Tuzla

Grad Tuzla i Udruženje trenera CEFE u BiH, kroz projekat podržan od strane Ambasade Sjedinjenih Američkih Država u BiH, pozivaju osobe zainteresirane za poduzetnički angažman – pokretanje vlastitog poslovnog poduhvata, da se prijave za učešće u **CEFE Programu podrške poduzetništvu** koji se organizuje na teritoriji grada Tuzle i uz podršku Grada Tuzla.

Kroz **CEFE Program podrške poduzetništvu**, polaznicima će biti osigurana obuka u jačanju ličnih poduzetničkih kapaciteta, podrška u izradi biznis plana i tehnička podrška u registraciji i pokretanju biznisa. Za najbolje ocijenjene biznis planove osigurana je finansijska podrška pokretanju biznisa, te, u skladu sa mogućnostima i procijenjenim potrebama, mentorska podrška kroz Mrežu podrške poduzetništvu.

Prijave po ovom, ponovno aktiviranom, Javnom pozivu mogu se predati do: 01. Jula 2020. godine, i to, elektronskim putem, predajom popunjenog online prijavnog obrasca na e-mail adrese: eldinac@tuzla.ba i prijave@cefebih.org, ili predajom popunjenog prijavnog obrasca u zatvorenoj koverti lično u Centar za pružanje usluga građanima (Šalter sala), glavna zgrada Gradske uprave Tuzla, kao i putem pošte na adresu: Grad Tuzla-Služba za ekonomski razvoj, poduzetništvo i poljoprivredu, Ul. ZAVNOBiH-a 11, 75000 Tuzla, sa naznakom: 'Prijava na Javni poziv za učešće u CEFE Programu podrške poduzetništvu. -Ne otvarati-'

Uvodne informacije

Udruženje trenera CEFE u BiH (CEFE BIH), od 2005. godine aktivno pruža podršku razvoju poduzetništva u BiH. Osnova rada je međunarodno priznata **CEFE metodologija**, nastala i razvijana u Njemačkoj. CEFE metodologija predstavlja sveobuhvatan skup vježbi i instrukcija osmišljenih da stimuliraju pozitivne promjene u različitim razvojnim procesima putem metoda iskustvenog učenja. Na taj način, učesnicima se omogućava da razviju svoje poduzetničke vještine i da na zabavan način i u sigurnom okruženju prožive situacije koje ih čekaju u poslovnom svijetu, te da sagledaju sopstvene resurse i snage i prilagode vlastito ponašanje.

Radi unapređenja poticajnih politika na lokalnom nivou i koordinacije i stalnog unapređenja sistema podrške CEFE BiH je u 2019. godini inicirao uspostavu **Mreže podrške poduzetništvu** – neformalne koalicije institucija, organizacija i kompanija. Članice Mreže promovišu aktivan odnos u podršci poduzetnicima, saradnju na razvoju novih poticajnih politika i unapređenje javne percepcije poduzetništva. Jedan od ključnih praktičnih alata za realizaciju misije **Mreže podrške poduzetništvu** je CEFE Program podrške poduzetništvu.



CEFE BiH



CEFE Program podrške poduzetništvu na teritoriji grada Tuzle, realizuje se na osnovu Ugovora o saradnji Grada Tuzla i Udruženja trenera CEFE u BiH. Realizacija aktivnosti podržana je od strane Ambasade SAD u BiH i Grada Tuzla.

Opis programa podrške

1. **Predmet poziva:** podnošenjem prijave na ovaj Javni poziv, zainteresirani kandidati apliciraju za učešće u CEFE programu podrške poduzetništvu, koji se realizuje u partnerstvu Grada Tuzle i CEFE BiH.

2. **Prihvatljivi poslovni poduhvati za učešće u programu podrške:** CEFE program podrške poduzetništvu otvoren je za aplikante i poslovne poduhvate koje kao rezultat podrazumijevaju formalno osnivanje privrednog subjekta, bez obzira na formu registracije. Neprihvatljivim se smatraju samo oni poslovni poduhvati koji imaju negativan uticaj na ljudsko zdravlje (npr. alkoholna pića, duhanski proizvodi, itd.) ili okoliš.

3. **Podnosioci/podnositeljice:** Na ovaj poziv prijaviti se mogu fizička lica sa prebivalištem na području grada Tuzle. Od polaznika se očekuje:

- *Poslovna ideja, čija razrada će biti predmetom rada u programu podrške,*
- *Stručna sprema i potrebno tehničko iskustvo u struci koja je relevantna za pokretanje poslovnog poduhvata. Ovo se naročito odnosi na poduhvate čija registracija zahtijeva odgovarajuću formalnu stručnu spremu osnivača,*
- *Spremnost za lični rast i razvoj u oblasti poslovnih i poduzetničkih vještina.*

4. **Podnošenje prijave za učešće:**

Prijave se mogu se predati do: 01. Jula 2020. godine, ispunjavanjem odgovarajućeg Prijavnog obrasca (aplikacionog formulara).

Napomena: Od prijavljenih kandidata koji budu odabrani za učesnike u ovom Programu podrške poduzetništvu, naknadno će se zahtijevati dostavljanje sljedeće dokumentacije:

- Kopija lične karte,
- Obrazac PBA 3,
- Uvjerenje nadležne Porezne uprave-Porezna ispostava Tuzla o izmirenim poreznim obavezama, da nije starije od tri mjeseca od datuma prijave na ovaj Javni poziv,
- Dokaz o završenoj stručnoj spremi ili eventualna druga dokumenta po izboru aplikanta – dokaz o stečenim profesionalnim iskustvima u oblastima koje su relevantne za poduzetnički poduhvat (kopije dokumenata).

Prijave na ovaj Javni poziv mogu se predati do 01. Jula 2020. godine, a predaju se ili elektronskim putem, predajom popunjenog online prijavnog obrasca na e-mail adrese: eldinac@tuzla.ba, i prijave@cefebih.org, ili predajom popunjenog prijavnog obrasca u zatvorenoj koverti, lično u Centar za pružanje usluga građanima (Šalter sala) u glavnoj zgradi Gradske uprave Tuzla, kao i putem pošte na adresu: GRAD TUZLA- Služba za ekonomski razvoj, poduzetništvo i poljoprivredu, Ul. ZAVNOBiH-a 11, 75000 Tuzla, sa naznakom : 'Prijava na Javni poziv za učešće u CEFE Programu podrške poduzetništvu. Ne otvarati.'



CEFE BiH



Nakon isteka ovog Javnog poziva, zaprimljene prijave će biti ocijenjene od strane komisije sastavljene od predstavnika CEFE BiH, Grada Tuzla i nezavisnih eksperata.

Najbolje ocijenjenih 25 kandidata će biti prihvaćeno u program. U slučaju odustanka pojedinih kandidata, naredni kandidati, prema dodijeljenoj ocjeni, će biti pozvani da učestvuju u programu.

5. Dostupni tipovi podrške:

1. Obuka u jačanju ličnih poduzetničkih kapaciteta. **Ova obuka, odnosno ova komponenta podrške, u skladu sa novonastalom higijensko–epidemiološkom situacijom prouzrokovanom pandemijom korona virusom, za odabrane polaznike CEFE programa podrške poduzetništvu, realizovat će se online CEFE programom.**
2. Mentorstvo u razvoju biznis plana za odabrani poduhvat,
3. Podršku u prezentaciji poslovnog poduhvata stručnoj komisiji,
4. Finansijsku podršku u pokretanju poslovnog poduhvata (samo za najbolje ocijenjene učesnike),

Komponente podrške gore prikazane bit će ponuđene polaznicima koji budu uspješno savladavali individualne cikluse programa. Podrška u svakom ciklusu uslovljena je uspješnim završetkom prethodnog ciklusa. U slučaju neispunjavanja preuzetih obaveza, organizatori zadržavaju pravo da isključe bilo kojeg učesnika iz programa podrške.

Elementi programa podrške

Podrška razvoju poslovnih poduhvata se sastoji od više faza. Kandidati (učesnici) koji uspješno kompletiraju zadatke postavljene u trenutnoj, dobijaju priliku da učestvuju u narednoj fazi podrške:

- **Faza 1:** procjena kvaliteta poslovne ideje te ličnih kapaciteta i posvećenosti poduzetnika. Sastoji se od dvodnevno dogaćaja na kojem se procjenjuje kvaliteta i originalnost poslovne ideje te kompetencije i posvećenost poduzetnika njenoj realizaciji. Uspjeh u ovoj fazi podrazumijeva potvrđenu posvećenost poduzetnika realizaciji poduhvata te spremnost za učenje - prihvatanje novih znanja iz oblasti poduzetništva;
- **Faza 2:** Validacija poslovne ideje. U ovoj fazi učestvuju poduzetnici koji su uspješno završili prvu fazu. U ovoj fazi, koja ukupno traje 2 mjeseca, organizuju se 2 dvodnevna dogaćaja uz seriju zadataka za samostalni rad;
- **Faza 2.a:** Izrada biznis plana poslovnog poduhvata. Faza se realizuje paralelno sa aktivnostima obuke opisanim u okviru faze 2, a podrazumijeva mentorstvo u izradi svih dijelova biznis plana, uključujući i finansijske projekcije;
- **Faza 3:** Predstavljanje poslovnih modela pred stručnom komisijom za ocjenu poslovnih planova.
- **Faza 4:** Finansijska podrška: Najboljim poslovnim poduhvatima biće ponuđena finansijska podrška u pokretanju biznisa. Očekivani iznos podrške je 5.000 KM a broj podržanih biznisa je 2.
- **Faza 5:** U slučaju biznisa čiji kvalitet i potencijal ukazuje na značajniji komercijalni i potencijal za kreiranje radnih mjesta dostupna je dodatna stručna i mentorska podrška.

Prijavni obrazac (aplikacioni formular) zainteresirane osobe mogu preuzeti na web stranici Grada Tuzla www.tuzla.ba, i web stranici Udruženja trenera CEFE: www.cefebih.org, a printani obrazac u Centru za pružanje usluga građanima (Šalter sala), u glavnoj zgradi Gradske uprave Tuzla.



cefe bih



Popunjen prijavni obrazac može se predati do **01. Jula 2020. godine**, a predaje se ili elektronski na e-mail adresu: eldinac@tuzla.ba i prijave@cefebih.org ili lično, u zatvorenoj koverti, u **Centar za pružanje usluga građanima (Šalter sala)** u glavnoj zgradi Gradske uprave Tuzla, kao i putem pošte na adresu: **GRAD TUZLA - Služba za ekonomski razvoj, poduzetništvo i poljoprivredu, Ul. ZAVNOBiH-a 11, 75000 Tuzla, sa naznakom: 'Prijava na Javni poziv za učešće u CEFE Programu podrške poduzetništvu. Ne otvarati.'**